



Broj: 13-03-43277-6.1/21
Sarajevo, 22.02.2022. godine

BOSNA I HERCEGOVINA
FEDERACIJA BOSNE I HERCEGOVINE
KANTON SARAJEVO

SKUPŠTINA KANTONA SARAJEVO
Služba za skupštinske poslove
- O v d j e -

KANTON SARAJEVO
Stručna služba Vlade
- O v d j e -

Predmet: Odgovor na pitanje zastupnice Jasmine Bišćević Tokić, dostavlja se
Veza: Akt Skupštine Kantona Sarajevo broj 01-04-43277-6/21 od 14.12.2021. godine

U Ministarstvu za rad, socijalnu politiku, raseljena lica i izbjeglice Kantona Sarajevo zaprimljen je akt Skupštine Kantona Sarajevo, gornji broj i datum, kojim je Vladi Kantona Sarajevo i Ministarstvu za rad, socijalnu politiku, raseljena lica i izbjeglice Kantona Sarajevo dostavljeno pitanje zastupnice Jasmine Bišćević Tokić kako bi postavljeno zastupničko pitanje tretirali u okviru svojih nadležnosti i nakon postupanja po istom, shodno odredbama Poslovnika Skupštine Kantona Sarajevo u pisanom obliku, obavijestili Skupštinu o učinjenom.

Zastupnica Jasmina Bišćević Tokić je na nastavku 45. Radne sjednice Skupštine Kantona Sarajevo, održanom dana, 14.12.2021.godine, u okviru tačke Dnevnog reda „Poslanička/zastupnička pitanja, inicijative i odgovori“, a u skladu sa Poslovníkom Skupštine Kantona Sarajevo, postavila slijedeće zastupničko pitanje:

“Upućujem zastupničko pitanje Vladi Kantona Sarajevo i Ministarstvu za rad, socijalnu politiku, raseljena lica i izbjeglice u kojoj je fazi izrada Socijalne karte u Kantonu Sarajevo? Zahtjevam da mi dostavite infomaciju ko je imenovan u komisiju za izradu socijalne karte od 2019. godine? Koji je bio iznos naknade za rad u istoj? Zahtjevam da mi dostavite izvještaj o radu iste, kao i sve zapisnike sa održanih sastanaka/sjednica Komisije.”

U okviru Ministarstva za rad, socijalnu politiku, raseljena lica i izbjeglice Kantona Sarajevo su sa pažnjom razmotrena dostavljena pitanja imenovane zastupnice i u vezi sa tim dajemo slijedeće odgovore prema redosljedu po kojem su pitanja postavljena:

Projekat Socijalna mapa Kantona Sarajevo je podijeljen u dvije faze: pilot istraživanje i glavno istraživanje. Pilot istraživanje se u potpunosti provelo putem elektronske verzije upitnika. Istraživanje je realizovano među 300 korisnika prava po osnovu socijalne zaštite i 300 domaćinstava iz generalne populacije, te iako su prikupljeni podaci za internu upotrebu dali su neke pokazatelje kao što su visoka stopa siromaštva kod generalne populacije, korisnici jednokratne pomoći u prosjeku imaju primanja kao i generalna populacija, itd.

Obzirom na situaciju sa pandemijom SARS-CoV-2 koja je usporila sve procese u Kantonu Sarajevo, glavno istraživanje koje podrazumijeva istraživanje na uzorku od 12.000 domaćinstava i to 3.000 korisnika prava po osnovu socijalne zaštite i 9.000 domaćinstava iz generalne populacije, nije provedeno i sve aktivnosti u vezi sa navedenim su trenutno zaustavljene.

Vlada Kantona Sarajevo rješenjem broj 02-05-22216-19/19 od 30.05.2019. godine imenovala stručni Tim za provedbu Projekta "Socijalna mapa Kantona Sarajevo" u sastavu: Malik Garibija, predsjednik, dr. Žarko Papić, zamjenik predsjednika, te kao članovi: prof.dr. Suada Buljubašić, dr.sci. Mirnes Telalović, Fahrudin Memić, Smaragda Lučkin, Mirsada Poturković, Fikret Zuko, Inela Hadžimešić, kao predstavnica OSCE, Irfan Eminović, te Dino Nikšić kao operativni koordinator.

U 2019. godini iz Budžeta Kantona Sarajevo sa pozicije Ministarstva za rad, socijalnu politiku, raseljena lica i izbjeglice Kantona Sarajevo su za honorare vanjskih članova Tima izdvojena sredstva u neto iznosu 34.000,00KM, odnosno 40.152,06KM u bruto iznosu, a u 2020. godini sredstva u neto iznosu 21.750,00KM, odnosno 25.685,54KM u bruto iznosu.

Vanjski članovi Tima su ostvarili naknade u slijedećim iznosima:

Dino Nikšić u 2019. godini 9.500,00KM u 2020. godini 6.000,00KM,
Mirnes Telalović u 2019. godini 4.800,00KM u 2020. godini 3.000,00KM,
Fahrudin Memić u 2019. godini 4.500,00KM u 2020. godini 3.250,00KM,
Fikret Zuko u 2019. godini 4.800,00KM u 2020. godini 3.000,00KM,
Žarko Papić u 2019. godini 5.600,00KM u 2020. godini 3.500,00KM i
Suada Buljubašić u 2019. godini 4.800,00KM u 2020. godini 3.000,00KM.
Predstavnici kantonalnih institucija i OSCE-a poslove na provedbi Projekta "Socijalna mapa" obavljali u okviru redovnih poslova i po tom osnovu nisu ostvarivali novčanu naknadu.

Na sastancima Tima za provedbu Projekta "Socijalna mapa Kantona Sarajevo" nisu vođeni zapisnici, a vanjski članovi koji su imali naknadu za svoj rad u Timu su mjesečno dostavljali izvještaje o radu koji se nalaze uz naloge za isplatu u Odjeljenju za finansijsko-računovodstvene poslove Ministarstva.

S poštovanjem,

Pripremila: Smaragda Lučkin, stručna savjetnica

Dostavljeno:

1. Naslovu,
2. a/a.



Adresa: Reisa Džemaludina Čauševića 1, 71 000 Sarajevo
Tel: + 387(0)33 562-089, Fax: + 387(0)33 562-090
Web: <http://mrsri.ks.gov.ba>, E-mail: mrsri@mrsri.ks.gov.ba

2/3